

**Talamdan sa
Mga Mensahe alang sa Full-time Training
sa Spring Term sa 2026**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN
SA MGA SULAT NI PABLO—
UNA UG IKADUHANG TIMOTEO UG TITO**

Mensahe 1

Ang Langitnong Panan-awon sa Walay Kataposang Pamatigayon sa Dios

Basahong Kasulatan: 1 Tim. 1:3-5, 11; 6:3-4; Rom. 1:16-17; 3:22; 10:17; Heb. 11:1; 12:1-2a

- I. Maggawi gyod ta diha sa kamatuoran sa langitnong panan-awon sa walay kataposang pamatigayon sa Dios, sa gipunting sa walay kataposang pamatigayon sa Dios, ug sa tumong sa walay kataposang pamatigayon Niya; bag-ohon gyod kining panan-awona dinhi nato adlaw-adlaw aron mahimong panan-awong nagkontrol sa tibuok natong kinabuhi, buhat, ug kalihokan—Prov. 29:18a; Buh. 26:16-19; 1 Juan 1:7; 3 Juan 3-4:**
- A. Ang walay kataposang pamatigayon sa Dios mao ang Iyang plano nga ipaambit ang Iyang Kaugalingon nganha sa pinili, gitudlong daan, ug tinubos Niyang katawhan isip ilang kinabuhi, sangkap sa kinabuhi, ug tanan aron mapalugwa, maumol, ug matukod ang organicong Lawas ni Cristo—1 Tim. 1:3-5; 6:3-4; 2 Cor. 11:2-3; Tito 1:9; Col. 2:19.
 - B. Ang walay kataposang pamatigayon sa Dios pagpasama man sa tawo Kaniya sa kinabuhi ug kinaiya apan dili sa ranggo sa pagka-Dios ug iusa ang Iyang Kaugalingon sa tawo ug iusa ang tawo Kaniya, aron sa ingon niana modako ug molapad ang Iyang pagpadayag, aron mapadayag sa maayong kagawian sa tawo ang tanang diosnong kaayo Niya—Juan 1:12-13; 3:15-16; 2 Ped. 1:4; Rom. 8:16; 1 Cor. 6:17; Rom. 12:1-2; 2 Cor. 4:16-18; Fil. 3:21; 1 Juan 3:2.
 - C. “Naa sa pagtuo” ang walay kataposang pamatigayon sa Dios (1 Tim. 1:3-5); nagpasabot kini nga ang gibuhat sa Dios sa Iyang pamatigayon segun man sa objectibong pagtuo (nagpasabot sa mga butang nga atong gituohan) ug pinaagi sa subjectibong pagtuo nato (nagpasabot sa buhat sa pagtuo sa mga magtutuo).
 - D. Ang timaan sa walay kataposang pamatigayon sa Dios, ang mahinungdanon ug sentrong punto sa walay kataposang pamatigayon Niya, mao ang nagpuyo-sa-sulod nga subjectibong Cristo ingon nga Espiritu nga naa sa atong espiritu, sa atong nasagol nga espiritu, sa atong espiritu sa pagtuo—2 Cor. 3:17; 4:13; 2 Tim. 4:22; Rom. 8:16; 1 Cor. 6:17:
 - 1. Ipakunhod gyod ta ug itingob man ngani ang atong pagtagad sa malangkobon-sa-tanan nga diosnong Espiritu nga naa sa atong tawhanong espiritu aron dili ta masipyat sa gipunting sa diosnong pamatigayon—1 Tim. 1:6; Mal. 2:15-16; Rom. 1:9; 8:4, 6; Gal. 5:25; Fil. 3:3; 2 Cor. 2:13.
 - 2. Sa “plano” sa tuyo sa Dios sa sinugdan, ang tawo maoy sentro sa tibuok uniberso, ug ang sentro sa tawo mao ang iyang espiritu—Gen. 2:7; Prov. 20:27:
 - a. Alang sa yuta ang mga langit, alang sa tawo ang yuta, ug gilalang sa Dios ang tawo nga dunay espiritu aron mokontak siya sa Dios, modawat sa Dios, masudlan sa Dios, mosimba sa Dios, magkinabuhi sa Dios, magtuman sa tuyo sa Dios alang sa Dios, magpadayag sa Dios, ug mausa sa Dios—Zac. 12:1; Juan 4:24.
 - b. Kon dili pa Espiritu ang Dios ug kon wala pa tay espiritu nga makakontak sa Dios, mausa Niya, haw-ang ang tibuok uniberso ug balewala ta—Eccl. 1:2; 3:11; Job 32:8; itandi sa Rom. 9:21, 23; 2 Cor. 4:7.

3. Mahimong tanan nato si Cristo nga Espiritung taghatag-og-kinabuhi kon magkinabuhi ta diha sa espiritu ug mogamit sa atong espiritu; ang magkinabuhi diha sa atong kalag magkinabuhi man diha sa prinsipyo sa anticristo—Zac. 4:6; 12:1; 1 Cor. 15:45b; 6:17; 1 Juan 2:18-19; itandi sa Bug. 18:12-13.
 4. Ang pagpahimulos sa Ginoo nga Espiritu nga naa sa atong espiritu pagkaanaa may grasya nga nag-uban nato; kon mawala kini, maanaa ang pagkadaot sa iglesia—2 Tim. 4:22; Gal. 6:18.
- E. Ang tumong sa walay kataposang pamatigayon sa Dios mao ang realidad sa organicong Lawas ni Cristo, nga mahingpit sa Bag-ong Jerusalem—Efe. 1:22-23; Bug. 21:2-3, 9-10:
1. Kon wala ang mga iglesia lokal, walay praktikal nga pagpadayag ang Lawas ni Cristo, ug wala gyoy realidad sa Lawas ni Cristo—1:10-13; 2:7.
 2. Ang mga iglesia lokal dili maoy tumong sa walay kataposang pamatigayon sa Dios kondili ang paagi aron makab-ot ang tumong, nga mao ang realidad sa Lawas ni Cristo; bisan unsang buhat gawas niini wala sa sentrong linya sa walay kataposang pamatigayon sa Dios—Efe. 4:1-6, 11-16; itandi sa Sal. 48:2.
 3. Mosunod gyod ta sa mga lakang ni apostol Pablo sa pagdala sa tanang balaan ngadto sa kinabuhi sa panagsakot sa tibuok Lawas ni Cristo—1 Cor. 12:24; Rom. 16:1-20.
 4. Alang sa pahiuli sa Ginoo niining panahona, mobulig gyod ta sa Ginoo aron mahimong mga mananaog nga mao ang Sion karon sulod sa Jerusalem karon (ang iglesiahonong kinabuhi) aron matukod ang Lawas ni Cristo nga maghingpit sa Bag-ong Jerusalem—Bug. 3:21-22; 14:1-5.
- F. Bisan unsang pagtulon-an, bisan subay sa Kasulatan, nga magpasimang nato gikan sa bug-tong-talagsaon ug himsog nga pagtulon-an sa walay kataposang pamatigayon sa Dios lahi man nga pagtulon-an, “hangin sa pagtulon-an,” katingad-an nga pagtulon-an, nga magpalayo nato sa tinuod nga pagtamod, paghigugma, ug pagpahimulos sa bililhong persona ni Ginoong Jesu-cristo mismo nga kinabuhi ug tanan nato—1 Tim. 1:3-5; Buh. 2:42; 2 Cor. 11:2-3; Efe. 4:14; Heb. 13:9.
- G. Mahimong mausa ta karon kay usa ra man ang atong panan-awon, ang panan-awon sa walay kataposang pamatigayon sa Dios—Buh. 1:14; 1 Cor. 1:9-10; Jer. 32:39.
- H. Dili makaplagan ni Job ang hinungdan sa pagtratar sa Dios kaniya, apan nagtuo siya nga duna gyoy hinungdan nga natago sa kasingkasing sa Dios (Job. 10:12-13); ang misteryong natago sa kasingkasing sa Dios mao ang walay kataposang pamatigayon Niya; ang bugtong tumong sa Dios sa panahon pagpaambit man sa Iyang Kaugalingon nganhi nato adlaw-adlaw aron ma-sama ta Niya, nga Lawas ni Cristo, alang sa kahugnganan sa Dios, pagpadayag sa Dios, nga mahingpit sa Bag-ong Jerusalem (Efe. 3:9; 1:22-23; 3:19; Bug. 21:2, 9-10).

II. Ang walay kataposang pamatigayon sa Dios mao “ang ebanghelyo sa himaya sa dalay-gong Dios” (1 Tim. 1:4, 11); ang importanteng pulong kalabot sa “ang ebanghelyo sa Dios” sa Roma ug ang bandila sa walay kataposang pamatigayon sa Dios mao ang Roma 1:17, nga nagpadayag sa estruktura sa ebanghelyo sa Dios—“makabaton og kinabuhi ang matarong ug mabuhi tungod sa pagtuo” (Hab. 1:5; 2:2, 4; Gal. 3:11; Heb. 10:38):

- A. Ang pagkamatarong sa Dios mao ang balaodnong paagi sa kaluwasan sa Dios—Rom. 1:16-17:
1. Dili makapasaylo ang Dios sa masal-anong mga tawo kon dili matagbo ang gipangayo sa Iyang pagkamatarong (Sal. 103:6-7); segun sa Iyang pagkamatarong, “ang kalag nga maka-sala, mamatay siya” (Ezeq. 18:4), ug “ang suhol sa sala kamatayon man” (Rom. 6:23):
 - a. Namatay si Cristo sa mapulihong kamatayon isip Puli sa mga makasasala, kamatayong balaodnon segun sa kasugoan sa Dios ug giila ug giaprobahan sa Dios segun sa kasu-goan—Isa. 53:5-6; 2 Cor. 5:21; Mat. 27:45-46.
 - b. Gihukman si Cristo, nga Matarong, alang natong mga dili matarong, sa matarong nga Dios sumala sa Iyang pagkamatarong, aron makuha Niya ang atong mga sala nga nagbabag ug madala ta ngadto sa Dios—1 Ped. 3:18.
 - c. Gihimong sala si Jesus alang nato didto sa krus, gihukman ang sala diha sa unod, ug sa pagkamatay Niya alang nato gituman ang tanang pagkamatarong sa Dios; karon

alang sa Iyang pagkamatarong, pasayloon gyod ta sa Dios—2 Cor. 5:21; Rom. 8:3, 10; Juan 19:30.

2. Kay mapugos man ang Dios sa pagpasaylo nato tungod sa Iyang pagkamatarong, ang pagkamatarong maoy gahom ug ang dili matarog nga patukoranan sa atong kaluwasan (Rom. 1:16-17; Sal. 89:14); gipatay sa Dios si Cristo alang nato, giila Niya ang kamatayon ni Cristo isip tibuok bayad sa utang nato nga mga sala, ug ang nabanhaw ug nikayab nga Cristo nga naglingkod sa tuong kamot sa Dios maoy “resibo” niini nga bayad (Rom. 4:24-25; 6:23).
 3. Busa, iaplikar ngani nato ang dugo ni Jesus ug mohangyo sa pagkamatarong sa Dios, wala Siyay mahimo kondili pasayloon ta—1 Juan 1:9; *Mga Alawiton*, #1003, #295.
 4. Ang kinabuhi maoy tumong sa kaluwasan sa Dios; busa, iya “sa kinabuhi” ang pagmatarong; tungod sa pagmatarong nakasakat ta sa sukdan sa pagkamatarong sa Dios ug nitakdo niini maong makapaambit Siya karon sa Iyang kinabuhi nganhi nato—Rom. 5:18.
- B. Ang kinabuhi ni Cristo maoy tuyo sa organicong kaluwasan sa Dios—v. 10:
1. Ang resulta sa pagmatarong kanato mao ang hingpit nga pagpahimulos sa Dios diha ni Cristo nga kinabuhi nato; sa organicong kaluwasan sa Dios duna tay gugma, grasya, pakigdait, paglaom, kinabuhi, himaya, ang Espiritu Santo, si Cristo, ug ang Dios nga atong pagpahimulos—vv. 1-11.
 2. Gituman sa nagluwas nga kinabuhi ni Cristo ang organicong tumong sa kusganong kaluwasan sa Dios sa mosunod nga mga paagi—v. 10:
 - a. Gihimo niining kinabuhia ang gimatarong-sa-Dios nga mga magtutuo nga daghang anak sa Dios (8:14; Heb. 2:10), nga mao ang daghang igsoon ni Cristo (Rom. 8:29) tungod sa pag-anak pag-usab (1 Ped. 1:3) pinaagi sa Espiritu sa kinabuhi (Rom. 8:2).
 - b. Gibalaan ta ning kinabuhia pinaagi sa balaang kinaiya sa Dios nga balaang elemento—6:19-20.
 - c. Gibag-o ta ning kinabuhia, pinaagi sa Espiritu sa kinabuhi, basi sa paghugas sa pag-anak pag-usab, gikan sa daang elemento sa atong daang tawo ngadto sa bag-ong pagkaumol sa atong bag-ong tawo—12:2b; Tito 3:5.
 - d. Metabolico tang gitransporma king kinabuhia pinaagi sa Espiritu sa kinabuhi uban sa elemento sa diosnong kinabuhi ni Cristo, gikan sa atong daang pagkaumol ngadto sa atong bag-ong pagkaumol, aron matukod ang organicong Lawas ni Cristo—Rom. 12:2b, 5; 2 Cor. 3:18.
 - e. Gipasama ta ning kinabuhia sa dagway ni Cristo nga panganayng Anak sa Dios aron mahingkod ta nga mga Dios-tawo nga magpadayag sa Tulo-usang Dios—Rom. 8:29.
 - f. Himayaon ta ning kinabuhia pinaagi sa pagtubos sa atong lawas aron makasulod ta sa kagawasan sa himaya ug sa hingpit nga pagkaanak nato—vv. 21, 23, 30.
 - g. Gipahari ta ning kinabuhia kang Satanas, sa sala, ug sa kamatayon—5:17, 21.
- C. Ang pagtuo sa mga magtutuo mao ang praktikal nga pagpatinuod sa kaluwasan sa Dios—Heb. 11:1:
1. Sa pagkatinuod ang pagtuo sa mga magtutuo dili kaugalingon nilang pagtuo kondili si Cristo nga nisulod nila aron mahimong pagtuo nila—Rom. 1:12; 3:22 ug nota 1; Gal. 2:16 ug nota 1:
 - a. Kon motutok ta ni Jesus, palatayan ta Niya sa Iyang Kaugalingon isip elemento sa pagtuo aron motuo Siya alang nato; busa, Siya mismo ang pagtuo nato, ug mabuhi ta pinaagi Niya nga atong pagtuo—Heb. 12:1-2a; 2 Cor. 5:7; Rom. 3:22; Gal. 2:20.
 - b. Ang pahiuili sa Ginoo pagpahiuili man kanato gikan sa mga butang nga makita ngadto sa mga butang nga dili makita; busa, kita gyod unta kadtong naggamit sa atong espiritu sa pagtuo aron maggawi pinaagi sa pagtuo ug dili sa makita—2 Cor. 4:13, 16-18; 1 Ped. 1:8; 2 Cor. 5:7; Heb. 11:27.
 2. Ang pagtuo nato ngadto ni Cristo mao ang atong pagtamod Kaniya isip reaksiyon sa Iyang pagdani—Rom. 10:17; Heb. 12:1-2a; itandi sa Buh. 14:27.
 3. Naggikan sa pagkadungog sa pulong ang pagtuo; kon moduol ta sa buhing pulong (si Cristo) diha sa sinulat nga pulong (ang Biblia), mahimo Siyang giaplikar nga pulong (ang Espiritu) sa pagtuo kanato—Rom. 10:8, 17; Gal. 3:2; Juan 5:39-40; 6:63; itandi sa Heb. 3:12.

4. Kon makadungog ang tawo ni Cristo, makaila Niya, makadayeg Niya, ug magmahal Niya, magmugna Siyag pagtuo sulod sa tawo, nga mahimong pagtuo nga makapatuo sa tawo Kaniya—12:2a; Rom. 10:17; Gal. 3:2, 5; 5:6.
5. Ang pagtuo, pagtuo man nga ang Dios mao ug dili ta mao; Siya ra gyod ang Usa, ang bug-tong-talagsaon, sa tanang butang, ug balewala gyod ta sa tanang butang—Heb. 11:1, 5-6.
6. Isip mga magtutuo, nabuhi ta sa pagtuo ug nagpatuhop ni Cristo nga pagtuo ngadto sa uban sa paggamit nato sa atong espiritu sa pagtuo—2 Cor. 4:13; Rom. 10:14-17; Buh. 26:22-29.
7. Ang pagtuo mao ang subjectibong Dios nga giaplikar sa atong pagkatawo; busa, maingon nga walay imposible sa Dios, walay imposible sab sa pagtuo—Mat. 17:20; 19:26; *Mga Alawiton*, #535.
8. Ang dakong dili mapugngan ug walay kinutobang gahom sa pagtuo nagdasig sa linibolibong mga tawo nga moantos alang sa Ginoo, morisgo sa ilang kinabuhi, ug mahimong madaogong mga gipadala ug mga martir nga mopakaylap sa ebanghelyo sa walay kataposang pamati-gayon sa Dios ngadto sa kinatumyang bahin sa yuta—Luc. 18:8; Rom. 16:3-4; Buh. 20:24; 1 Tim. 1:4, 11-12; Mat. 24:14; 25:21, 23; Buh. 1:8.